

刑部比照加減成案

刑部比照加減成案卷三十目錄

杭州許榷

同訂

安陸熊莪

刑律雜犯

放火故燒人房屋

不應爲

刑律捕亡

罪人拒捕

刑部比照加減成案卷三十

刑律雜犯

放火故燒人房屋

貴州司 嘉慶二十五年

貴撫谷王文秀因挾王文孝告官被責之嫌向王文孝兩次誑詐並將王老二毆傷嗣因索詐不遂起意放火故燒空閑草房

實屬兇惡。無故擾害。應照棍徒擾害例擬軍。仍照放火本例。加枷號兩個月。郭庭玉等。依故燒空地。開房爲從。各枷號五十五日。杖一百。徒三年。

湖廣司

嘉慶二十五年

東陵谷和舍里氏。因花尙阿係挑補伊翁五十五軍退甲。缺心懷怨恨。起意向伊夫

存福商允。俟花崗阿該班之時。乘空將禮部庫放火。希圖革退馬甲汝忿旋。卽乘空放火。尚未延燒。被獲和舍里氏。係一家共犯。應罪坐其夫存福。合依故燒倉庫。如挾仇放火。當破救息。擬軍加枷。例發駐防當差。仍加枷號兩個月。

江西司 嘉慶二十二年

江西撫咨李德向在縣署派管雜務。嗣經查出該犯係捏籍投充。攆逐該犯因另無雇主懷忿潛至署內放火。尚未延燒。合依兇惡棍徒挾仇放火。當破收息。尚未延燒。爲首枷號兩個月。發近邊充軍。惟該犯敢于縣署放火。情罪較重。應量加一等。發邊遠充軍。

安徽司 道光元年

安撫奏宋青挾仇放火延燒致斃傷譚氏  
一家三命案內楊花典被脅同行並未下  
手。燃火查挾仇放火因而殺人從犯罪止  
絞候被脅同行罪止擬徒案關一家三命  
若仍照本律擬徒尚覺輕縱于從犯絞罪  
上減一等滿流。案例載挾仇放火致死一  
家三命首斬梟從絞決。



山東司

嘉慶二十二年

東撫咨郭虎聽從行竊高際昌家糧食未  
遂商同放火燒燬以致燒斃高際昌夫婦  
二命查郭虎僅止同謀並未幫同下手燃  
火將郭虎于挾仇放火因而殺人及焚壓  
致死爲從商謀下手燃火者絞候例上量  
減一等滿流

直隸司 道光二年

直督咨外結徒犯內王大聲等行竊事主  
伊進忠閑院草束並放火滅跡一案查王  
大聲于行竊伊進忠草束得贓後慮恐查  
知敗露輒起意放火將草棚燒燬希圖滅  
跡將王大聲比依圖財故燒空地閑房及  
堆積柴草首犯枷號兩個月杖一百流三

千里當被救息尚未延燒減一等例擬徒

山東司 道光元年

東撫咨馬二行竊尚未得贓因事主驚覺  
畏懼倉惶逃走致失落火煤延燒事主空  
房該犯行竊意在得贓與謀財無異而遺  
火則與放火有間比照惡徒謀財放火延  
燒尚未搶掠財物首犯斬候例上量減一

等擬流。

廣東司 道光元年

廣撫題開能舉偷竊僱主當舖銀兩圖掩  
竊情。放火延燒核其情節與圖財放火無  
異。惟該犯行竊在前放火之時並未搶掠  
依惡徒謀財放火已經延燒尚未掠財又  
未傷人例絞候。

四川司

嘉慶二十年

川督咨陳三廣子、宋老六等聽從郭老么  
圖竊張瑞圖家財物放火焚燒草房旋即  
救息尚未延燒其三次放火均係郭老么  
下手陳三廣子聽從同行例無聽從圖竊  
放火三次均未下手治罪明文惟該犯等  
意在圖財雖當時未經下手而聽從三次

情節較重。陳三廣子宋老六均比照謀財放火。隨即救息。尚未延燒。爲從商謀下手。然火者杖一百。流三千里。照例刺字。

浙江司 嘉慶二十五年

浙撫咨外結徒犯內翁景璜挾嫌故燒朱其追山種樹木。應比照挾仇故燒孤村曠野田場積聚之物。杖一百。徒三年。

直隸司

嘉慶二十五年

直督咨二十四年春季外結徒犯李春挾  
嫌故燒總麻服叔李文煥田場積聚之物。  
例無卑幼犯尊明文。仍照挾嫌故燒田場  
例。杖一百。徒三年。

不應爲

浙江司 嘉慶二十三年

提督咨王老兒聘娶覺羅之女趙氏爲妻。  
照不應重律杖八十。

湖廣司 嘉慶二十四年

本部奏世襲三等輕車尉奇成額呈稟以  
伊師趙淳亮病故。伊欲繼死隨侍一案查



奇成額因感趙淳亮平日教導並爲伊墊發賑務之恩于趙淳亮病故之後起意自盡卽寫具呈帖本旂投遞冀免死後相驗惟律例並無欲行自盡殉師作何治罪明文將奇成額酌量擬以不應重杖係有職人員例得納贖第該員秉性愚拙形類癡騃未便仍令回任當差請

百將奇成額交旂領回管束

刑律捕亡

罪人拒捕

安徽司 嘉慶二十四年

安撫趙戴馬川寄頓賊匪。被事主親戚王  
大山王大寬弟兄訪知。邀同事主往查。戴  
馬川起意糾同伊弟戴習廣等拒捕。致被  
糾同業已病故之戴溪本將王大寬殺死。

戴馬川亦將王大山砍傷斃命。例無罪人拒捕致死一家二命首犯作何治罪明文。將戴馬川仍按本例斬候。該犯在逃十年始行就獲。改爲立決。戴習廣明知伊兄戴馬川寄頓賊贓。聽糾抗拒。用順刀將王大寬砍傷。應照兇器傷人軍罪上加拒捕罪二等。惟拒捕爲從。仍應依律減一等。將戴

習廣于共毆人執持兇器傷人發近邊充軍例上加一等發邊遠充軍

廣西司 嘉慶十八年

廣西撫題何士信因子何大忠行竊被事主吳得周獲送何士信率領子姪持械趕奪致吳得周驚慌跳走失足落河溺斃何士信不能禁約其子何大忠爲竊例應答

罪人拒捕

賁係屬有罪之人。將何士信依犯罪拒捕殺所捕人律擬斬監候。何大忠于伊父何士信糾人趕奪該犯並不知情。惟其父身罹法網。究由該犯行竊所致。照子孫違犯教令杖一百律上加一等杖六十。徒一年。

四川司

嘉慶二十四年

川督題周老八因緝竊夥犯林九被事主

胥在明捕獲起意打奪。約同周貴來等共  
十六人同往。見胥在明與堂叔胥庭祚及  
隣佑趙臨先等押送林九行走。周老八令  
其放還不允。喝令毆打。以致周貴來與該  
犯各將趙臨先並胥庭祚毆傷斃命。將周  
老八依罪人拒捕殺所捕人律斬候。該犯  
起意聚衆打奪復當場喝衆拒毆致斃二

命情節較重請

旨卽行正法。周貴來聽從奪犯持刀拒捕。致斃事主隣佑二命。係周老八喝令所致。按律以主使之人爲首。下手傷重得減一等。惟係拒捕殺人。從犯較尋常鬪毆聽從下手者爲重。將周貴來改發新疆爲奴。

浙江司

道光二年



提督奏送任二行竊六次應照積匪猾賊  
量減擬徒其刃傷弁兵李長青等應加  
捕罪二等杖一百流二千五百里惟該犯  
刃傷三人情節較重應再酌加一等滿流  
浙江司 道光二年

浙撫咨張遇高董小老各販私鹽百十餘  
斤均用他物拒傷巡弁應于販無引私鹽

滿徒罪上加拒捕罪二等杖一百流二千  
五百里。惟傷係巡弁與尋常拒捕者情節  
較重。應再加一等。滿流。

浙江司 道光二年

提督咨送趙二糾竊四次。獨竊二次。應照  
積匪量減擬徒。惟該犯于千總毛康齡查  
拏之時。情急圖脫。輒敢用梯木拒傷該弁。

按例加拒捕罪二等應杖一百流二千五百里第傷係官弁應再酌加一等滿流

江蘇司 嘉慶二十五年

蘇撫題胡開與魏三遇道貧難胡開起意扒竊魏三允從同在集上閑悞欲圖乘便下手經快役朱順窺破形跡將其趕逐並聲言如再到集定行送官究治胡開氣忿

起意毆打洩忿。囑令魏三糾人相幫。經各糾邀韓結巴等首從九人。各執兇器。至朱順家。將朱順毆傷身死。將胡閻比依犯罪拒捕殺所捕人者。斬監候。魏三等依共毆之人。執持兇器傷人例。擬軍。韓結巴被糾同往。未經幫毆成傷。應于殺所捕人爲從。流罪上量減一等。滿徒。

江蘇司

嘉慶十八年

蘇撫題路松觀夥同沈百受行竊經事主  
隣佑孫正潮出捕。路松觀拒傷孫正潮身  
死。將路松觀依罪人殺所捕人擬斬。監候  
沈百受在場助勢。並未幫拒成傷。于爲從  
幫拒之陳阿大等。流罪上量減一等。滿徒  
直隸司

嘉慶二十一年

直督那咨龐振德因乞丐黃大路竊去鉄  
犁。強行索食未遂。挾嫌放火。被該犯捉獲。  
欲行送官。因雨阻。將其綑縛樹上。被雨淋  
濯。凍餓身死。非該犯意料所及。且係放火  
兇手。應衡情酌減。將龐振德照兇徒挾仇  
放火被害之人殺。非登時絞監候例上。量  
減。滿流。

河南司

嘉慶二十年

河撫題劉保全因素識乞丐劉三漢搶食筐內蒸饅隨用繩套其脖項拉走欲告知其父致劉三漢氣閉身死將劉保全依擅殺擬絞監候。

河南司

嘉慶二十年

河撫咨楊騾娃毆死強姦伊母未成之申

卷三十

刑律捕亡

長富身死。將楊騾娃擬以滿徒。餘人潘道王寅娃俱擬滿杖。

廣東司 嘉慶二十二年

廣東撫題巡丁陳亞受等共毆販私之李什晚身死一案。除將陳亞受依罪人已就拘執而擅殺律擬絞監候外。查共毆之巡丁黎亞二等。各用刀石將李什晚致傷並



無損前傷痕係屬擅傷罪人並非折傷例  
得勿論應毋庸議。

四川司 嘉慶十九年

川督咨樂文學因張萬贅先與其同居小  
功堂弟媳通姦嗣經控官該氏悔過拒絕  
張萬贅復往持刀通姦致被樂文學忿激  
致死比照強姦未成罪人被本婦有服親

罪人拒捕

屬登時致死例滿徒。

湖廣司 嘉慶十八年

北撫咨徐得萬因無服族弟徐幅萬強姦  
伊弟婦未成登時用刀將徐幅萬砍傷千  
刃傷人徒二年例上減二等以尊犯卑再  
減一等擬杖一百。

江西司 嘉慶二十年

江西撫咨朱慶沅。夥竊陳惟才牛隻。已據  
自認。實屬有罪之人。被陳惟才擦瞎兩目。  
已成篤疾。應以鬪殺定擬。雖聞拏投首。係  
侵損于人。毋庸議減。

江蘇司 嘉慶十九年

蘇撫咨張閻氏。因李合年拉伊強姦。該氏  
不從喊嚷。適伊夫張起回歸。將李合年捆

縛李合年穢語辱罵該氏忿恨莫遏。刀砍致斃。原擬比照強姦未成罪人。被本婦殺。非登時例滿徒。部駁。砍由忿激殺在登時。改依強姦未成罪人被害之人登時忿激殺死例滿徒。

湖廣司 嘉慶二十一年

南撫咨楊宕保。因夏老六與伊妻通姦。被

該犯撞見氣忿。邀同楊添保。將夏老六誘至僻處捆縛。刺瞎夏老六兩目。該撫將楊宕保。依擅傷罪人。以鬪傷定擬例。瞎人兩目者。杖一百。流三千里。經本部以該犯見夏老六。與伊妻在房說笑。實屬姦所。獲姦。若夏老六因傷身死。該犯例止擬徒。將該犯改依擅傷罪人。減鬪傷二等例。杖九十。

徒二年半。

直隸司 嘉慶二十年

直督題李進忠偷摘候保地內南瓜被獲。慮恐張揚賊名起意將候保勒死滅口。將李進忠依罪人拒捕殺死所捕人者斬候例擬斬監候。

江蘇司 嘉慶二十一年

江蘇撫題任學秦捉姦。截傷妻母尼普真身死。查該犯因伊妻母普真與僧人旭亮通姦。後教令伊妻與旭亮姦好。被該犯撞獲。持剪捉拏。被普真抱住。致姦夫脫逃。該犯將普真截傷身死。是普真教令其女犯姦與任學秦實已。義絕卽屬有罪之人。將任學秦依罪人不拒捕而擅殺例擬絞監。

候僧人旭亮與人母女通姦。致釀人命。一死。一抵。應比照本夫登時捉姦。誤殺旁人。脫逃之姦夫例擬以滿徒。

浙江司 嘉慶二十四年

浙撫咨陸吳氏與僧燦珍通姦。經本夫陸泳才捉獲。僧燦珍掙扎不脫。該氏幫護姦夫。將陸泳才咬傷。律無治罪專條。將陸吳



氏比照姦夫拒傷應捉姦之人刃傷以下加本罪二等。例于軍民相姦姦婦柳號一個月杖一百。罪上加二等杖七十。徒一年半杖決。徒贖交本夫領回。

雲南司 道光二年

雲撫題戴金發毆死強姦未成罪人熊鎮明一案。查戴金發因熊鎮明強姦伊妻未

成。該犯事後趕至理論。將其迭毆身死。例內並無本夫事後趕至理論殺死強姦伊妻罪人。作何治罪明文。將戴金發比照強姦未成罪人被本夫有服親屬殺非登時例。擬絞監候。

山東司 道光二年

東撫題杜文玉勒死已休之妻孫氏查杜

文玉因妻孫氏與人通姦將孫氏休棄孫氏復至該犯家央懇收留該犯不允因被辱罵將其勒斃核與一經離異轉嫁他人應同凡論者有間惟孫氏登門辱罵實屬罪人該犯將其致死情同擅殺將杜文玉照罪人已就拘執而擅殺律擬絞監候

山東司 嘉慶二十三年

東撫咨莊仁因總麻服姪莊壽強姦伊妻  
馬氏未成登時毆傷莊壽身死查被殺之  
莊壽係該犯總麻服姪若問擬滿徒未免  
與平人漫無區別將莊仁依強姦未成罪  
人被害之人及本婦有服親屬登時忿激  
致死滿徒例量減一等杖九十徒二年半

安徽司

嘉慶二十三年

安撫咨居懷雙抗糧糾同居毛孜等拒傷  
差役繆相平復一案。居懷雙應納積年錢  
糧抗欠未完。違限在一年以上。係屬有罪  
之人。經該縣差役比追。輒起意糾同居毛  
孜等多人。各持鎗刀拒捕。并用鎗扎傷繆  
相右臂。將居懷雙依兇器傷人軍罪上加  
拒捕罪二等發極邊烟瘴充軍。居毛孜雖

未欠糧。惟明知居懷雙欠糧不納。差傳比追。輒聽從幫拒持鎗扎傷縣役胡明脊脅。實屬濟惡。應以拒捕爲從問擬。居毛孜依兇器傷人邊遠軍罪上加拒捕罪二等爲從減一等。發極邊充軍。居懷亮居庭封各持鎗刀聽從助勢。尚未傷人。依執持兇器未傷人杖一百例。加拒捕罪二等爲從減

一等各杖六十。徒一年。居懷賜。僅止附和。同行。並未持有兇器。應照不應重杖。

江蘇司 嘉慶二十三年

蘇撫咨外結。徒犯內徐阿八與鄭五姑通姦。因被本夫陸耀宗扭獲。欲行送官。輒拒毆成傷。將徐阿八照軍民相姦杖枷罪上加拒捕罪。二等杖七十。徒一年半。

奉天司 嘉慶二十三年

盛刑咨逃徒李發被獲。仍發原配解至中途。復行逃走。後被差人隆保住窺破緝獲。李發持刀恐嚇。致將差人隆保住劃傷。將李發依犯罪逃走拒捕。加二等律。于原配滿徒罪上加二等杖一百。流二千五百里。河南司 嘉慶二十三年



東撫谷賊犯王小喜等搶奪程廣演魚驢拒傷事主逃逸。嗣經差役捕獲王小喜持棍拒傷差役將王小喜依搶奪傷非金刃傷輕平復首犯改發極邊烟瘴充軍。被獲時有拒捕例。改發回疆爲奴。本部查該犯于拒傷事主時。並未被獲。卽行逃走。與被獲到官。復又脫逃者不同。其于被獲時持

棍傷差。應于本犯極邊烟瘴罪上加拒捕罪二等。改發新疆當差。

山西司 嘉慶二十三年

晉撫咨崔景僖。因崔敦子謀殺伊出繼胞姪崔曾鼎。傷而未死。崔景僖將崔敦子網縛送官。行至中途。因網繩鬆開。崔敦子在車滾轉。停車將其網縛。被崔敦子辱罵不

休用刀將其砍傷致死。係屬忿激一時。將崔景僖依罪人本犯應死而擅殺律擬杖一百。

山西司 嘉慶二十三年

晉撫咨賊犯馬九二子馬勺果子糾夥迭竊。執有器械。本罪應擬極邊烟瘴充軍。該二犯于竊後撞遇捕役馬漢友盤詰。並不

俯首就擒。輒起意拒捕。馬九二子用刀砍傷捕役馬漢友左腳腕。馬勺果子用刀撲砍。被馬漢友奪刀扎傷。逃回。後因鄉約馬天成追拏。復敢施放鉄銃。致傷馬天成右肋等處。均在折傷以上。馬九二子、馬勺果子均依罪人拒捕毆所捕人至折傷以上律擬絞監候。

山東司 嘉慶二十三年

東撫咨外結徒犯內楊七起意行竊護夥  
拒捕刃傷紀成山平復查紀成山係事主  
馬昌熙家所覓泥瓦匠偶爾寄宿並非馬  
昌熙家雇工不能以事主論楊七依竊盜  
拒捕傷非事主但係刃傷仍照律加本罪  
二等例子刃傷人杖八十徒二年律上加

二等滿徒。

陝西司 嘉慶二十三年

陝撫咨鄉約杜泳增。因孟多廣與杜道兒等到處開場聚賭。輸打贏要。均係積慣賭博匪徒。因向杜均秀索討賭欠。爭鬧胆敢糾夥持刀逞兇。扎傷理勸之人。實屬生事行兇。擾害良善惡棍。杜泳增身充鄉約本

有應捕之責。主令杜年成等。駕船往捕之。  
時孟多廣業已。見水過河。儘可任意奔逃。  
乃恃其善于。見水復行下河。以致誤入深。  
潭。溺斃。杜年成等。船未近身。孟多廣死。由。  
自溺。不得謂之。擅殺。而案未。到官。不能稱。  
囚。又未。便依。囚。因。追逐。倉迫。而自。殺。律。勿。  
論。杜。泳。增。應。比。照。棍。徒。擾。害。被。害。之。人。登。

時忿激致死例滿徒。

江蘇司 嘉慶二十五年

蘇撫咨賊犯魏中漣用鉄鞭拒傷事主依  
兇器傷人加二等發極邊充軍馮玉于魏  
中漣拒傷事主該犯在旁目擊卽屬爲從  
助勢應減一等滿徒。

貴州司 嘉慶二十五年



貴撫題羅么么行竊馬世法家放青豬隻  
經事主馬世法等前往搜拏該犯起意拒  
捕將烏鎗點放適該犯無服族嬸羅喻氏  
聞開出視被鎗誤傷身死應照因鬪毆而  
誤殺旁人以鬪殺論故殺者斬監候

廣東司 嘉慶二十五年

廣東撫咨謝烏妬蜂截瞎鄧連生兩目成

篤一案。此案鄧連生先因偷竊葉亞茂布衫。經葉亞茂查知。將鄧連生剪辮割耳放走。嗣鄧連生挾嫌撞遇葉亞茂。欲行毆打。葉亞茂走避。卽邀同謝烏妬蜂前往捉拏。將鄧連生綑縛。因其辱罵。謝烏妬蜂用鉄鑽將其兩眼戳瞎。查鄧連生偷竊葉亞茂布衫。本屬罪人。葉亞茂將其剪辮割耳。鄧

連生挾嫌尋衅。葉亞茂同謝烏妬蜂往捕。已經捉獲。因其喊罵。將其兩眼戳瞎。係屬擅傷。將謝烏妬蜂依罪人已就拘執。而擅傷律。瞎人兩目者。杖一百。流三千里。毋庸斷付財產。

直隸司 嘉慶二十五年

直督奏劉四混。係商僱巡役。有巡緝之責。

王朝臣係扒鹽匪犯。卽屬應捕罪人。設該巡役當王朝臣扒鹽時。上前拴拏。卽被拒捕。因而格殺。原可照例勿論。乃干稟官差拘之後。因王朝臣持械兇毆。抵扎適斃。若僅照鬪殺擬絞。似與不拒捕之罪人無所區別。將劉四混比。依罪人已就拘執。及不拒捕而擅殺。照鬪殺絞候上。量減二等擬

以滿流經本部以王朝臣係偷鹽被稟拘  
拏之犯。不知畏罪。輒敢持械至原捕人家  
門首兇毆。因劉四混携刀出禦。王朝臣將  
刀格落。用担連毆。情兇勢惡。實屬擾害。劉  
四混拔刀抵扎。適斃。核與被害之人登時  
毆斃棍徒者情無二致。應改擬兇惡棍徒  
無故擾害被害之人。登時忿激致死。例滿。

徒。

山東司 道光元年

東撫咨孟永大圖姦無服族叔祖母孟劉氏未成。因孟劉氏與之不依。並孟劉氏之母劉布氏子劉丙仁。及隣居孟程氏。聞聲趨護。該犯情急亂割。將孟劉氏等先後砍傷。例無作何治罪明文。惟圖姦與強姦不

同。已成者爲姦夫。未成者爲罪人。則圖姦  
未成罪人。不便與姦夫並論。應照罪人拒  
捕科斷。依卑幼犯尊長加一等。于刃傷人  
被八十徒二年罪上加一等。再加拒捕罪  
二等。杖一百。流二千里。